

Соғлом бола тилаб дуода бўлиш



10:07 / 14.10.2018 7313

Оила қуриб, биргаликда оилавий ҳаёт кечираётган келин-куёвлар Аллоҳ таолодан солиҳ ва соғлом фарзанд тилаб дуода бўлишлари жуда ҳам муҳимдир.

Бу ишни Аллоҳ таолонинг набийлари қилгандир.

Аллоҳ таоло Оли Имрон сурасида марҳамат қилади:

ذُرِّيَّةً لَّدُنكَ مِن لِّي هَبْ رَبِّ قَال رَبُّهُ زَكَرِيَّا دَعَا هُنَالِكَ

الدُّعَاءِ سَمِعُ إِنَّكَ طَيِّبَةً ٣٨

«Шу чоғда Закариё Роббига дуо қилиб: «Роббим, менга Ўз ҳузурингдан покиза зурриёт ҳадя эт. Албатта, Сен дуони эшитувчисан», деди» (38-оят).

Аллоҳ таоло лутфу карам кўрсатиб, бола ҳомила шаклида пайдо бўлганидан кейин ҳам ота-онаси унинг солиҳ фарзанд бўлиши ҳақидаги дуоларини давом эттиришлари зарур. Зотан, бу иш Одам ота ва момо Ҳавводан мерос бўлиб қолгандир.

Аллоҳ таоло Аъроф сурасида марҳамат қилади:

مِنْهَا وَجَعَلَ وَاحِدَةً نَفْسٍ مِّنْ خَلْقِكُمْ الَّذِي هُوَ ❁

خَفِيفًا حَمَلًا حَمَلَتْ تَغَشَّيْهَا فَلَمَّا إِلَيْهَا لِيَسْكُنَ زَوْجَهَا

صَلِحًا ءَاتَيْنَا لِيَنْ رَبَّهُمَا اللَّهُ دَعَا أَثْقَلَتْ فَلَمَّا بِهِ فَمَرَّتْ

الشَّاكِرِينَ مِنَ لَنَّا كُونَنَّ ١٨٩

«У сизларни бир жондан яратган ва сокинлик топиши учун ундан жуфтини яратган Зотдир. Вақтики, у (жуфтини) ўраганида, енгил ҳомиладор бўлди. Бас, у билан юрди. У оғирлашганда эса икковлон Робблари Аллоҳга: «Агар бизга солиҳ (фарзанд) берсанг, албатта, шукр келтирувчилардан бўлажакмиз», деб дуо қилдилар» (189-оят).

Вақт ўтган сайин ҳомила катталашиб бориб, она оғирлашади. Туғиш вақти яқинлашганда отада ҳам, онада ҳам фитрий-табиий ҳис-туйғулар ошади, уларда орзу-умид пайдо бўлиб, фарзандларининг соғ-саломат, тўла-тўқис ва аҳли солиҳлардан бўлишини орзу қиладилар. Шунингдек, уларда онанинг эсон-омон қутулиб олиши ҳақида ҳадиклари ҳам бор. Ҳар қандай

орзу-умид паллаларида инсон Аллоҳга илтижо қилади. Ота-онада эса ҳам орзу-умид, ҳам ҳадик бор. Шунинг учун ҳам улар: «Агар бизга солиҳ фарзанд берсанг, албатта, шукр келтирувчилардан бўламиз», деб дуо қилишлари матлубдир.

Ушбу ҳомила давридаги ва олдин айтиб ўтилган ундан аввалги даврдаги ота-онанинг Аллоҳ таолога қиладиган илтижолари ва дуоларининг фойдаси ниҳоятда кўп ва зарур эканини замонавий илм ҳам тасдиқлади.

Ирсиятни ўрганувчи олимлар илмий тадқиқотлар ўтказиб, одамларнинг нима учун борган сари беоқибат, бераҳм бўлиб кетаётгани, оила аъзолари орасида ўзаро ҳурмат ва эъзоз йўқолиб бораётганининг сабабини топганларини эълон қилишди. Уларнинг айтишларича, мазкур нохушликларнинг асосий сабаби ота-оналар томонидан исталмаган фарзандларнинг дунёга келиши экан.

Бу эса беоқибат инсонлар асосан зинодан ва фарзанд кўришни истамаган ота-оналардан туғилади, деганидир. Ота-онанинг фарзанд кўришни истамай тургандаги руҳий ҳолати улардан пайдо бўлган ҳомилага ўтиши турган гап. Ота-онаси туғилишини истамаган фарзанд онасининг қорнида туриб, уларнинг салбий руҳиятидан салбий таъсир олиши ҳам турган гап.

Шунинг учун ҳам динимиз таълимотларида келин-куёвлар доимо Аллоҳ таолодан солиҳ ва соғлом фарзанд сўраб, давомли равишда дуо қилиб туришлари лозимлиги таъкидланади.

“Соғлом бола” китобидан